

化客來好與鶴同巢

楊廷峻

字不拔號鐵根樂山縣人外舍生

讀雲水集

天風吹海水立走雲萬里連空碧飛龍老子愛飛吟遺響於今
透金石方冠破衲行天涯異水奇山是我家古洞幽深眠白鹿
洪鈞陶鑄出丹砂萬戶侯封何足數滿山松石誰爲伍丈夫雅
志慕清高豈甘名利老塵土先生曾乘宦海舟椿萱謝世賦宜
休向平壯歲拋家去婚嫁何能遲勝遊百尺竿頭忙進步逢師
指破通天路認得生前舊主人花街柳巷不迷誤一段因緣自

道藏輯要

三丰全集 古今題贈

書

續畢集十
又川七五

碧翁江南有客慕玄功八百火牛耕夜月三千美女笑春風沈用

萬三白下英雄欣相助煅煉金花得外護回首終南遇火龍阿

堵囊空淚頻訴水面風來得意時金陵無事步遲遲一朝採得
庚方月渾似鯤鵬躍天池丹成拂袖湖山去任他龍蟠與虎踞
持卮飲遍酒家樓養我乾坤浩然氣壺裏逍遙春復秋不求聞
達於諸侯密勅遍尋荒徼外高即清風同巢由山北山南歌踏
踏披蓑戴笠卧雲石化鸞化鶴化漁樵何處不逢仙邈邈性量
圓融滿大千蒸雲復廕劍南天欲補心中未了事沈仙纔度又
汪仙劍南觀察蓬萊客前身素吳英靈骨峨眉禱雨忽逢師德
輔飄然歸環谷揚州蟬脫返清塵手澤心傳留丹廬娜嬛祕密

鬼神護方土何曾夢此書六百年來氣承接有若珠聯與璧合
光爭日月耀乾坤風動林泉引豪傑道德崇高妙莫名沆漚淋
漓浣太清世人歌雲水集應宮頰首拜先生

李岱霖

字雲石號桂圃洪雅人上舍生

元嶽太和山九室岩三丰先生高隱處

元嶽峯高卓萬尋至人曾卧白雲深千章古木封丹嶂一帶寒
煙護碧岑洞口風清閒弄笛松間月白照彈琴只今三十六岩
裏猶想先生金玉音

劉元焯

道藏輯要

三丰全集 古今題贈

書 續集十

隱鏡編年

夢九汪氏曰先生之爲真仙也聞之者多也其爲隱士也知之
者少矣公餘心靜適金使君式訓過訪焚香話先生奇蹤使君
曰公胡不書隱爲鏡發明先生大節乎錫齡曰諾爰倣綱目體
紀之名曰隱鏡編年崇徵實也自是而先生隱跡與先生年譜
均在茲矣後有萬年同志者續之

綱 洪武十七年甲子夏詔求故元退老一百三十七歲老人武
當山隱士張三丰不見 目 三丰懿州人元定宗二年生至元
間以博陵令致仕訪道於終南太白之間得希夷正傳其學以
忠孝慈恭爲體河洛易象爲用至正二十七年丁未三丰已百